

Inhaltung der briff dem benanten Doctor hartung bezalen. Vnd wann vnd uff welche Zeit das nicht gesche, das dann der benante Doctor hartung vnd sein erben soll vnd mag sich des benanten forwercks vnde Dorffs Scins Rent vnd nutz an alles widersprechen irsal oder Intrag desselben lorentz seiner erben oder genants wenthalben, vnderwinden. Die Innemen haben vnd gewissen nach laut seiner briff des sich derselb lorentz verwilligt vnd gelobte wie das dieselben briff clerlich vßwissen. Der Datum stet geben zu Dresden am fritag nach sant katherinstag xiiij^o vnd Im vierundfunftzigsten Jare (1454).

Solch vorgemelt richtung vnd verschreibung ist doctor hartung der Zinsehalb mit nichte gehalten In keinem artikel bis vff hutigen tag des musste er sich beclagen vnd beclagte sich Im lvij Jahre vnd begerte von seliger gedechtnis hertzog friderichs von Sachsen sich in solch forwerg Dorff vnd gutir nach laut seiner briff inzusetzen daruff schreib ym sein furstliche gnade Begerende dem Bußman frist zu solcher bezalung zu geben vff sant Jacobstag darnach wann wo er die nicht tett wolt sein gnad das die Inweisung der guter solte furgang haben wie dann sein gnaden briff vnd hern Jorgk hugwitz selige cantzlers briff das vffwissen der Datum stet vff sonntag vnd sonabend nach luice anno lvij (1457).

Solchin vorgemeltin schreiben was (d. i. war) der bußman ganz vngheorsam also begerte doctor hartung aber Insetzung oder Inwysung der guter Im lvij Jar schreib her Jorg hugwitz Cantzler doctor hartung wie sein gnediger Herr Hertzog friderich vorgeant dem Bußman geschriben hatt yn an vortzihen zubezaln vnd sant Im abeschriff solch seind (-seiner) gnaden schrift in swnc briff verslossen des datum stet vff Dinstag Jacoby Anno lvij^o (1458).

Solchs schreiben der Bußman abber verachtet darauff begert abber Doctor hartung Im lix Jar Insetzung der guter von dem benanten fursten dadruff sein furstlich gnade begerte abber lenger frist dem Bußman zugebin als vff sant Mertentag darnach umb sein gnaden willin nach lawt desselben sein(er) gnaden briff der noch vorhanden ist. Und als der Bußman abber vngheorsam was begerte Doctor hartung von sein furstlichen gnaden abber Insetzung (d. h. Einsetzung in den Besitz) der guter wie uor In dem lv Jar, also schrieb sein furstliche gnade trustlich dem Bußman Doctor hartung on vortzihung vfrichtung zuothun (d. h. ohne Verzug Entschädigung, Ersatz, Aufrichtung eines Dokuments zu thun) wie das seins cantzlers briff Im Zugesant Inhalt des Datum stet am Dinstag nach Mathie anno lx^o (1460). Der Bußman bleib aber vngheorsamlich ussen vnd hielt gar nicht.

Item vff solch vnd manchfeldig ander umbfurn vngheorsam hat derselb doctor hartung offt vnd vil durch sich selbir auch sein trewhender vnd procuratores mit vil vnd grossen nachreisen Zcerung kost vunde schaden solch Insetzung auch von dem durchlauchtigsten fursten vnd hern hertzog trust vnde hertzog Albrecht kurfursten vnde fursten die benante vsetzung In die guter begert Vnd ist ykund aber persönlich hie vnd begert die abbir vnd hat die bißher nicht mocht bekommen des er zcu grossen nachreyßen kost vnde verterplichin schaden mit sampt den vßstehenden Scinßen vil Jar vnd umbfuren (d. i.